

ত্ৰিপুৰা হাফাঙ
ককথুম তেই হুকুমু দাগিখুঙ

স-২৭০৭

আগৰতলা, ৩ সেপ্টেম্বৰ, ২০২৫

হাসতেঅ অয়েল পাম খীলায়মুঙন' তেইব' খাতুঙজাক
খীলায়নানি য়াপিৰি রমজাকখা : হুকবার নাইখুঙনি মন্ত্ৰি

ত্ৰিপুৰাঅ অয়েল পাম খীলায়মুঙ রাঙথঙনি হামকীরাই তুবুনাই তেই বনি বিসিংতীই সামুঙ থায়ব' আচায়নায়। অবনি সাকা মকল কায়চমাই হাসতেঅ অয়েল পাম খীলায়মুঙন' তেইব' খাতুঙজাক খীলায়নানি য়াপিৰি রমজাকখা। থাংনাই ২ সেপ্টেম্বৰঅ মোহনপুৰ ব্লকনি ফটিকছড়া চা বাগানঅ অয়েল পাম প্ল্যাণ্টেশন ড্ৰাইভন' চেঙগাঁই রাই হুকবার তেই হুকবার খীলায়নায় হামকীরাই নাইখুঙনি মন্ত্ৰি রতনলাল নাথ অ কক সাখা। ব' সাখা, ত্ৰিপুৰানি হা অয়েল পাম খীলায়নানি বাৰ্গাই বেলায়খে কাহাম। অয়েল পাম খীলায়মানি বিসিংতীই অ জাগানি হুকবার খীলায়নায়রগনি হামকীরাই খীলায়নানি বাঁখাক নাহাৰমুঙ রিউই হাসতে হাফাঙ গোদরেজ এগ্ৰোভ্যাট লিমিটেড তেই পতঞ্জলি বাই এগ্ৰিমেন্ট খীলায়খা। অ কায়নীয় মথা অয়েল পাম বুফাঙ বাঁসা তেই থক সীনামনানি বাৰ্গাই প্ৰসেসিং সেন্টাৰ বাই কীৰীঙজাক তঙনায়। উত্তৰ ত্ৰিপুৰা, উনকোটি তেই ধলাই হাঙখরনি নায়কানি খীলায়নায় গোদরেজ এগ্ৰোভ্যাট লিমিটেড। কুবুন বাঁখাক সালথাঙ হাঙখর, সিপাহীজলা, খোয়াই, গোমতী তেই দক্ষিণ হাঙখরনি নায়কানি খীলায়নায় পতঞ্জলি। থক সীনামনানি বাৰ্গাই প্ৰসেসিং সেন্টাৰনি জাগা পতঞ্জলি খুমলুঙনি গুৰুপদ কলোনীঅ চঙখা। হুকবার মন্ত্ৰি সাখা, থাংনাই বিসিনীয়অ হাসতেঅ ২৯,৬০০ কানি জাগাঅ অয়েল পাম কায়জাকখা। অয়েল পাম খীলায়মুঙগ' কীবাঙ খীলায় আগুক ফায়নানি বাৰ্গাই হুকবার খীলায়নায়রগনি থানি কক কীচাৰীই হুকবার মন্ত্ৰি সাখা, অ বুফাঙ কায়মা বাই বলঙ সাপসুতরা তঙমা বাই বাকসা হাচিং, আনারস, সীতীই কায়থানিব' হাফাঙ হুকবার খীলায়নায়রগন' চুবানায়। হাসতে হাফাঙ নায়অ হুকবার খীলায়নায়রগনি আজিমুঙ বাঙরীনানি। হুকবার খীলায়নায়রগ রাঙথঙন' রাঁগাঁই হামসাজাক আঁথে বনি মাৰি লুকুবসঙনি সাকাত কীলায়নায়।

পানদাঅ মানজাক ফায়নায়রগনি বিসিং তঙগ' মোহনপুৰ পঞ্চায়েত সমিতিনি চেয়ারম্যান ৰাকেশ দেব, ভাইস চেয়ারম্যান সঞ্জীৱ কুমাৰ দাস, সালথাঙ ত্ৰিপুৰা জিলা পৰিষদনি মেম্বৰ জয়লাল দাস, কীচাম মন্ত্ৰি প্ৰকাশ চন্দ্ৰ দাস, হাটিকালচাৰ এন্ড সয়েল কনজাৰভেশন নাইখুঙনি দাগিফাঙ দীপক কুমাৰ দাস আকসঙ।
